



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel.(032)878-877

fax (032)879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 134030000007482

Raiffeisen bank d.d. BiH Sarajevo – filijala Zenica : 1610550009120069

UPRAVNI ODBOR

Broj:01-2.16-1629/24

Datum:05.04.2024. godine

Upravni odbor JU „Dom zdravlja“ Zavidovići na osnovu člana 38. Statuta JU „Dom zdravlja“ Zavidovići i člana 70. i 89. Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14 i 59/22), na svojoj 67. sjednici održanoj dana 05.04.2024. godine, donosi

ODLUKU

o izboru najpovoljnijeg ponuđača za nabavku
medicinskog potrošnog materijala – LOT 1 – IGLE

Član 1.

Okvirni sporazum za nabavku medicinskog potrošnog materijala – LOT 1 – IGLE za JU «Dom zdravlja» Zavidovići za 12 mjeseci, dodjeljuje se ponuđaču **Globex d.o.o. Zenica**.

Član 2.

Ponuda ponuđača Globex d.o.o. Zenica, u provedenom konkurentskom zahtjevu za dostavu ponuda, bila je prihvatljiva ponuda i imala je najnižu cijenu, te će se ovom ponuđaču ponuditi Okvirni sporazum za nabavku medicinskog potrošnog materijala – LOT 1 – IGLE za JU „Dom zdravlja“ Zavidovići, u ukupnom iznosu od **5.817,20 KM bez PDV-a**, što sa PDV-om iznosi 6.806,12 KM.

Član 3.

Ponuda ponuđača Zefarm d.o.o. Zenica, odbačena je shodno članu 68. stav (4) tačka i), jer ponuda nije potpuna i ne ispunjava zahtjeve iz tenderske dokumentacije.

Član 4.

Izabrani ponuđač će morati dostaviti original ili ovjerenu fotokopiju kvalifikacione dokumentacije u roku od 8 dana, od dana zaprimanja ove odluke, a kako je to navedeno u tenderskoj dokumentaciji i to:

a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,

b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,

c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.

d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza,

e) rješenje o registraciji ili izvod/aktuelni izvod iz sudskog registra sa priložima o registraciji djelatnosti koja je predmet javnog nadmetanja,

f) potvrdu (rješenje) o upisu u registar proizvođača ili veletrgovaca medicinskih sredstava kod Agencije za lijekove i medicinska sredstva BiH.

Član 5.

Ova odluka stupa na snagu danom donošenja.

Obrazloženje

Obavještenjem o nabavci br. 638-7-1-93-3-66/24 koje je objavljeno na portalu javnih nabavki dana 12.03.2024. godine i u "Službenom glasniku BiH" br.18 od 15.03.2024. godine, objavljen je postupak javne nabavke medicinskog potrošnog materijala za JU «Dom zdravlja» Zavidovići za 12 mjeseci putem konkurentskog zahtjeva.

Tendersku dokumentaciju za predmetnu nabavku sa portala javnih nabavki preuzela su 22 ponuđača i to: BIOTEGA D.O.O. BANJA LUKA, PHARMACIN D.O.O. ŽEPČE, PRO-TEN MEDICAL" D.O.O. GRAČANICA, EKAPIJA DOO, BBS EUROPE, R&S D.O.O. SARAJEVO, SEMIKEM D.O.O. SARAJEVO, ZEFARM D.O.O. ZENICA, DESINFECTA D.O.O., EMGEN D.O.O., DIMED D.O.O. SARAJEVO, ELEMENS D.O.O., DOO EUROLAB, E N A D.O.O. SARAJEVO, GLOBEX D.O.O. ZENICA, DEFTER D.O.O. SARAJEVO, INEL D.O.O., PROMA D.O.O., PROIZVODNJA I TRGOVINA „PHARMAMED" D.O.O. TRAVNIK, FCT D.O.O., KRAJINAGROUP D.O.O. BANJA LUKA I HERBAVITAL.

Na adresu JU "Dom zdravlja" Zavidovići, za LOT 1 – IGLE dostavljene su dvije ponude i to: GLOBEX D.O.O. ZENICA i ZEFARM D.O.O. ZENICA.

Nakon pregleda dostavljene dokumentacije Komisija za javne nabavke utvrdila je da ponuda ponuđača Globex d.o.o. Zenica odgovara uslovima iz tenderske dokumentacije, odnosno da je prihvatljiva ponuda, a da ponuda ponuđača Zefarm d.o.o. Zenica nije potpuna i ne ispunjava zahtjeve iz tenderske dokumentacije.

Procijenjena vrijednost javne nabavke iznosi **7.140,00 KM**.

Ponuda ponuđača Zefarm d.o.o. Zenica, odbačena je iz sljedećih razloga:

U Tenderskoj dokumentaciji, broj: 01-2.12-1019/24 od 12.03.2024. godine, u tački 2.USLOVI ZA KVALIFIKACIJU I POTREBNI DOKAZI, podtačka 2.3., propisano je da je ponuđač, u svrhu dokazivanja tehničke i profesionalne sposobnosti, dužan dostaviti:

- a) Važeće rješenje (potvrda) o upisu medicinskog sredstva u registar medicinskih sredstava izdato od Agencije za lijekove i medicinska sredstva BIH sa svim priložima koji čine sastavni dio rješenja/potvrde (veličine pakovanja, kataloški brojevi i sl.) –fotokopija
- b) Ponuđači koji nisu vlasnici originalne dozvole za stavljanje u promet medicinskih sredstava koja su predmet ove nabavke, moraju dostaviti i odobrenje/autorizaciju/saglasnost kojom nosioci dozvola ovlašćuju ponuđače da prometuju njihovom robom. Odobrenje/autorizacija/saglasnost moraju biti u originalu ili ovjerenj fotografiji.
- c) Popunjena i potpisana Tabela 2. o upisu u registar medicinskih sredstava za svaki LOT.

U dostavljenoj ponudi ponuđača Zefarm d.o.o. Zenica, između ostalog, dostavljene su dvije potvrde o upisu medicinskog sredstva u registar medicinskih sredstava koje ne glase na ime ponuđača kao nosioca upisa, i to:

- a) Potvrda o upisu medicinskog sredstva u registar medicinskih sredstava izdata od Agencije za lijekove i medicinska sredstva BIH, na ime DOO "FARMACIJA 2011" Bihać kao nosioca upisa, br.06-07.4-1-9899-1/20 od 27.11.2020. godine- fotokopija
- b) Potvrda o upisu medicinskog sredstva u registar medicinskih sredstava izdata od Agencije za lijekove i medicinska sredstva BIH, na ime SALVUS BH d.o.o. Sarajevo kao nosioca upisa, br.06-07.4-1-7689-6/20 od 04.02.2021. godine- fotokopija

Uz navedene potvrde, ponuđač nije dostavio odobrenja/autorizacije/saglasnosti kojima nosioci dozvola ovlašćuju ponuđača da prometuje njihovom robom, a što je bio obavezan učiniti shodno tački 2.USLOVI ZA KVALIFIKACIJU I POTREBNI DOKAZI, podtačka 2.3., podtačka b), Tenderske dokumentacije, koja glasi:

"b) Ponuđači koji nisu vlasnici originalne dozvole za stavljanje u promet medicinskih sredstava koja su predmet ove nabavke, moraju dostaviti i odobrenje/autorizaciju/saglasnost kojom nosioci dozvola ovlašćuju ponuđače da prometuju njihovom robom. Odobrenje/autorizacija/saglasnost moraju biti u originalu ili ovjerenj fotografiji."

U tački 2.USLOVI ZA KVALIFIKACIJU I POTREBNI DOKAZI, podtačka 2.3. Tenderske dokumentacije, navedeno je:

„ U slučaju da se u ponudi uopšte ne dostavi navedena dokumentacija iz podtački 2.1., 2.2. i 2.3. ove tenderske dokumentacije ili se ne dostavi na način kako je to traženo ponuđač će biti isključen iz daljeg učestvovanja u postupku javne nabavke zbog neispunjavanja uvjeta za kvalifikaciju.“

Također, u tački 4. PRIPREMA PONUDA, podtačka 4.1. Tenderske dokumentacije, istaknuto je:

„U slučaju da se u ponudi ne dostavi navedena dokumentacija ili se ne dostavi na način kako je to traženo ovom tenderskom dokumentacijom ponuđač će biti isključen iz daljeg učestvovanja u postupku javne nabavke.“

Imajući u vidu izneseno, komisija je utvrdila da ponuđač Zefarm d.o.o. Zenica, u ponudi nije dostavio sve tražene dokumente na način kako je propisano tenderskom dokumentacijom.

Usljed utvrđenog činjeničnog stanja, ponuda ponuđača Zefarm d.o.o. Zenica, odbačena je shodno članu 68. stav (4) tačka i), jer ponuda nije potpuna i ne ispunjava zahtjeve iz tenderske dokumentacije.

U ovom postupku nabavke predviđeno je provođenje e-aukcije.

„E-Aukcija" je elektronski proces provođenja dijela postupka javne nabavke, koji uključuje podnošenje novih cijena, izmijenjenih naniže, i/ili novih vrijednosti određenih elemenata ponude, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u sistemu "e-Nabavke".

Nakon pregleda i ocjene ponuda za nabavku medicinskog potrošnog materijala za JU «Dom zdravlja» Zavidovići za 12 mjeseci – LOT 1 –IGLE, utvrđeno je da je samo jedna ponuda prihvatljiva, usljed čega nije ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23), jer je u članu 4. stav 2. istog Pravilnika propisano: “U slučaju prijema jedne prihvatljive ponude e-Aukcija se ne zakazuje“

Kako se e-aukcija nije mogla zakazati ovaj ugovorni organ je postupio u skladu sa članom 4. stav 2. Pravilnika o uslovima i načinu korištenja e-aukcije i mišljenjem Agencije za javne nabavke br. 04-02-2-1924-2/17 od 10.05.2017. godine.

U mišljenju Agencije za javne nabavke navedeno je da ukoliko smo u postupku javne nabavke zaprimili jednu prihvatljivu ponudu, a bili smo predvidjeli provođenje e-aukcije, koju nismo mogli zakazati, jer smo zaprimili samo jednu prihvatljivu ponudu, možemo nastaviti postupak nabavke i saglasno članu 69. stav (1) tačka a) Zakona, dodijeliti ugovor, te da informacije o predviđenoj e-aukciji i neodržavanju iste trebamo navesti u zapisniku o evaluaciji ponuda.

Kako ugovorni organ nema mogućnost da zakaže planiranu e-aukciju iz razloga što je primio samo jednu prihvatljivu ponudu, to će okončati ovaj postupak nabavke u skladu sa članom 69. Zakona o javnim nabavkama, odnosno dodjelom ugovora ponuđaču koji je dostavio prihvatljivu ponudu u skladu sa zahtjevima iz tenderske dokumentacije.

Nakon provedenog postupka ocjene prihvatljivih ponuda, prema utvrđenom kriteriju-najniža cijena Komisija je dala preporuku da se prihvati ponuda ponuđača **Globex d.o.o. Zenica** prihvati kao najpovoljniju za nabavku medicinskog potrošnog materijala – LOT 1 – IGLE za JU «Dom zdravlja» Zavidovići, koja je u provedenom postupku javne nabavke, imala najnižu cijenu u ukupnom iznosu od **5.817,20 KM bez PDV-a**, što sa PDV-om iznosi 6.806,12 KM.

Cijeneći pravilnost provedenog konkurentskog zahtjeva za dostavu ponuda za nabavku medicinskog potrošnog materijala – LOT 1 – IGLE za JU „Dom zdravlja“ Zavidovići, te datu preporuku od strane Komisije za javne nabavke odlučeno je kao u dispozitivu ove Odluke.

PRAVNA POUKA: Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom u tri primjerka.

DOSTAVLJENO:

1. Globex d.o.o. Zenica,
2. Zefarm d.o.o. Zenica,
3. a/a.

**PREDSJEDNIK
UPRAVNOG DBORA**
Mehić Elvir, dipl. pravnik